

Edizione diplomatico-interpretativa

	I
<p>Ie chantasse uolentiers liement; se gen trouuasse en mon cuer lacheson. mes iene puis dire se ie ne ment; qaie damors nule riens se mal no(n). pour ce ne puis fere lie chancon. quamors le me desensaig ne. quí ueut que iaím et ne ueut que ie tiengne. ensi me tient amors en desesper; ne mocit ne ne let ioie auoír.</p>	<p>Je chantasse volentiers liement se g'en trouvasse en mon cuer l'acheson, més je ne puis dire se je ne ment q'aie d'amors nule riens se mal non, pour ce ne puis fere lié chançon, qu'amors le me desensaigne qui veut que j'aim et ne veut que je tiengne; ensi me tient amors en desesper, qu'el ne m'ocit ne ne let joie avoir.</p>
	II
<p>Ie ne doí pas amors grant mal uoloír; sala plus bele du monde mon cuer rent. conques bi aute ne fist si son pouoir; des tre avec li si esmereement. co(n) me ele fet de son tres biau cors gent. que riens qua grant biaute tiengne. nest uís qua son cors sousfraise. fors qu(n) seul pou li messiet ce mest uís; ce que trop tient ses euz de moí eschis.</p>	<p>Je ne doi pas amors grant mal voloir s'a la plus bele du monde mon cuer rent, c'onques biauté ne fist si son pouoir d'estre avec li si esmereement comme ele fet de son tres biau cors gent, que riens qu'a grant biauté tiengne n'est vis qu'a son cors sousfraise fors q'un seul pou li messiet, ce m'est vis, ce que trop tient ses euz de moi eschis.</p>
	III

<p>Quant ie regart son debonere uís; et ie la prí sanz biau respons auoír. nest mer ueille sen lesgart mesbahís; qa(n)t ie conois mamort et sai de uo ir. puis que merciz ne mí da igne ualoir. ne sai ou nul con fort praigne. car ses orguels mocit et li mehaigne. ha dou ce riens cruels tant mar uos uí; quant pour mamort nas quístes sanz merci.</p>	<p>Quant je regart son debonere vis et je la pri sanz biau respons avoir, n'est merveille s'en l'esgart m'esbahis qant je conois ma mort et sai de voir, puis que merciz ne m'i daigne valoir, ne sai ou nul confort praigne car ses orguels m'ocit et li mehaigne. Ha douce riens cruels, tant mar vos vi quant pour ma mort nasquistes sanz merci!</p>
	<p>IV</p>
<p>Que fe rai dex partirai moi de lí; ai(n)z que samor me par ait tout ocís. neníl uoir las il ne puet estre issí; quamors me tient et ma uolentiers prís. quí a mon cuer enli pour morír mís. ne iames tant ne mespraigne. que sanz merci ou sanz mort en reuíengne. quassez uueil melz morir en douz desír; que uíure iriez et ma uíe haír.</p>	<p>Que ferai, Dex? Partirai moi de li ainz que s'amor me par ait tout ocís? Nenil voir, las! Il ne puet estre issi, qu'amors me tient et m'a volentiers pris l Qui a mon cuer en li pour morir mis ne jamés tant ne mespraigne que sanz merci ou sanz mort en revienigne, qu'assez vueil melz morir en douz desir que vivre iriez et ma vie haír.</p>
	<p>V</p>

Des

que mes cuers ne sen ueut re -
uenír; de uous dame pour q(ui)
il ma guerpí. aumosne aurez
sel daignéez retenír; ar sil re -
uíent amoi ail faillí. pour u(ost)re
heneur et pour dieu uous en p(ri).
que de li pitie uos praigne. qil
nasfiert pas auous que nus se(n)
plaíngne. quel mont na uoir
si cruel traison; om biau sen -
blant de corage felon.

Dés que mes cuers ne s'en veut revenir
de vous, dame, pour qui il m'a guerpi,
aumosne avrez s'el daigniez retenir
car s'il revient a moi a il failli.
Pour vostre heneur et pour Dieu vous en pri
que de li pitié vos praigne
q'il n'asfiert pas a vous que nus s'en plaingne
qu'el mont n'a voir si cruel traison
com biau senblant de corage felon.

- letto 455 volte

Credits | Contatti | © Sapienza Università di Roma - Piazzale Aldo Moro 5, 00185 Roma T (+39) 06 49911
CF 80209930587 PI 02133771002

Source URL: <https://letteraturaeuropea.let.uniroma1.it/?q=laboratorio/edizione-diplomatico-interpretativa-444>